

分个支嫡系紹外
 戚家聲遵父命以
 後陸氏用意至厚而
 肫誠乃登乙科競爽
 正期出宰名城章
 貢祿之令長才未
 竟問天胡醉首名
 記樓成憶袁故人
 宿州今能始裕後
 之書楹

壽田仁兄大人 象贊

弟錢紹楨撰



清江西試用知縣陸壽田先生家傳

世愚姪周濟

先生諱仁基字靜初號壽田嘉善人父雲峯先生本姓陸幼嗣於吳曰五子而以先生歸宗焉先生少時穎異英發與諸兄弟共讀書並負才名以優廩生中光緒己丑科舉人再上春官不第挑取會典館謄錄議叙知縣廣東學政徐公琪聘任襄校順天府尹陳公邦瑞延主文牘聲譽藉甚庚子入都引見適拳匪亂作遂歸越二年再引見以知縣分發江西試用未幾歸鄉里先是雲峯先生篤厚有潛德邃醫學著證治心得如干卷先生與諸兄次舉業外繼承其學至是喟然嘆曰醫雖小道而可以濟人寧必服官哉遂絕意仕進幡然行醫與伯兄樹人醫名噪遠近嘉屬之爲醫者咸宗法焉以光緒三十年十一月卒春秋四十有六子以廉以超以康以常贊曰清季吏治之壞舉世一輒雖有自好之士廁身其間而莫能自振先生急流勇退出其家學以濟世起廢鍼育消除疹癘以視僕僕仕途枉尺而未必直尋者其所施爲孰多哉



序

雲峰吳丈古之振奇人也年十五好治易好天文家言兵家言旁及奇門壬課諸術日與詠仙楫甫諸君子篝燈一室呵毫而笑相莫逆也既而幡然曰易即天即人王鄭相沿百家有述未易盡也此外充牣齋中足以眩人求其心得果安在乎不如姑舍是而從張先生遊張先生希白邃于醫者也嗣後詠仙諸君子宦遊他省余亦從人辟佐與丈相別咸豐庚申辛酉間聞丈避寇之遠鄉家具無所挈而寓孥數口均衣食于醫同治戊辰三月倦遊而返與丈握手見戶外乞藥者屢恆滿異哉丈于他藝酷嗜有年頗識涂徑匿而不試深諱若無有豈于醫果有自得愉快者耶一日手一編示余曰視此何如鰕生不知醫且問其義安在丈曰醫學十三科有傷寒有雜證傷寒自長沙公後代有發明雜證則橫驚歧出雖切脉望色不能知其轆轤所在知其轆轤所在或以處方爲難自醫士不復課試小經能背誦者鮮矣局方之輯目爲官書能者述素問靈樞又如太羹玄酒不切于用因纂是編爲初學計余受而讀之見疾疢之源流無不疏濬非卓有心得者不能辨此爲署名曰證治心得並勸板

而行之方丈之從張先生遊也張劉朱李之書插架俱在補偏救弊紛綸其說務于一欬一吐力求其旨苟有未合嗛嗛然幾忘寢食積十年之功未嘗求售其術而其術卒大售然則人貴自立而已矣若夫入世則崇謙約訓子務近樸誠爲善必力初不近名丈雖不逐逐于章句得不謂之儒而醫者耶福仁不敏童守一藝惘然無成自維身心之檢攝事物之權衡或肆焉或戾焉斯則疾之大者丈能勿吝刀圭爲益不又多乎時

光緒拾年春三月愚小弟顧福仁謹序

序

上醫醫國其次醫人晉語也吳君雲峰擇其次而爲之蓋窮達之異也雲峰少穎慧多才能凡天文術數之學靡不從事久乃棄去而專心于醫又得名師友相切劘而其業愈進名遂大噪乞治者踵相接顧淡于謀利而授弟子則勲勲懇懇天性然也嘗出其積年所輯著見眎且屬序予曰君誤矣殆所謂問道于盲強不知以爲知乎既而思之取譬不遠余不知醫請以文喻憶自束髮受舉業東塗西抹學爲如是之文者亦有年昔我有先正竊嘗聞其緒論時文雖小道善文者斷不自文中來必也根柢六經貫穿百氏沿流溯源以窮其變由博反約以守其常而其要尤在于心得蓋乞靈于故紙易窮取給于靈源靡盡文家如此醫何爲獨不然然則醫貴辨證而已矣證象不一最難者莫若雜證寒疾熱疾末疾腹疾惑疾心疾彼此轆轤顧此則失彼除傷寒科外皆爲雜證是在燭其原委衡其輕重心苦而分明之不然已既疏矣而施之于人費人與誤人厥弊維均是編所輯于昔賢所著諸書無不縱觀酌取歸于至當祛其蔽而淪其智不更爲學醫者指南鍼乎予交雲峰久雲峰之于醫固

先行其言而後從者也若予則學本不豐比久荒惰如退飛鷁非鳴謙也蓋紀實也
至序之有當與否仍質之雲峰以爲何如謂爲諛辭我豈阿私所好請覽是編自有
能辨之者

光緒三年夏五月同里世弟周葆元序于訊竹軒竹陰深處



自序

儒者之道莫備于六經訓詁義疏層見迭出至有宋諸儒而折衷于至當醫書何獨不然靈樞素問而後撰述者不下數百家蓋醫猶儒也儒而小人儒祇自形其陋醫非所醫則自誤而誤人余平居伏誦昔賢所著其卓然可指者深博無涯涘又慮泛驚而無所得也于雜證一科尤爲究心婦科兒科喉科眼科苟輻輳于七情六氣爲雜證所必兼卽有說採百家薈成全帙者頭緒紛繁學者苦不便于記誦况兵後善本半就淪亡乎憶自弱冠時從七匯 希白張師遊張師英識絕人遇大難證候一二劑洞中肯綮後卽迎刃而解爾時河漢之不能測其妙也師輒舉其所以然再三詔余因退而反覆其際爲之印證于昔賢未及十年人以爲能延之視脉中心嘽嘽有實獲處筆之于書閱二十餘年裒然成帙復爲之芟蕪訂謬凡三易稿聊以便舟車之觀覽耳同人見之曰醫書至今亦云夥矣然義古而不顯或文繁而近枝求所謂言簡而意賅者指不易屈今觀是編條舉井然若圭景籥黍之無爽見何病象繫何臟腑作何治法瞭然若指掌焉雖爲躡初枕者計而百尺竿頭莫能外是盍付手

民俾學醫者不致人費何如余笑而領之顧此書意旨半出古人間有張師所論說及半生臨證所得爲之補綴成此區區文義至淺但期顯易明白云爾

光緒二年歲在丙子季夏吳炳書于惜陰書屋



南京中醫藥大學圖書館版權所有

凡例

一此集詳于證治因臨證必先辨證辨明病源然後立治法選藥品庶無毫釐千里之失

一此集之註有註解原文者有另立一法者有補方者因不便誦讀故皆補入註內
一肝風眩暈癰癰顫振拳攣等原可併爲一門茲各拈出另立意在醒目
一眼目咽喉均有專科門類繁瑣不能備輯茲從眼科及咽喉科刪繁就簡摘選其要欲窺全豹自有專書

一卒倒證或中或厥俱有病人必不能言其狀且有脉伏者只有外象爲憑中厥諸證散見各門一時難辨最易誤人故彙集中證厥證等見象附于厥證後以便臨時無妄指之弊

一噎膈反胃本屬二證理當分立但古人論證皆對待而言分之反覺蒙混故此集先辨噎膈反胃之原委後分二證之證治

一霍亂證生死反掌辨證尤宜詳審近時作寒溼論治俱多最易誤人王孟英之霍



亂論以溼邪爲主分其兼暑兼寒辨論詳明無偏見之弊故專採此書以備倉卒之時無誤治也

一 中寒與燥證兩門惟喻嘉言著陰病論及秋燥論甚詳此集卽本喻氏意爲主復廣收諸說以補之

一 痧疹本歸幼科因近時之痧多有傳染及大人者故于此集中增補之

一 白痞俗稱白疹本在溫熱證內因此集有暑溼二門亦有白痞故于吾師之奪錦瑣言內摘出附時痧之後

一 跌撲閃挫及畜血證雜證之書不載者多惟沈氏尊生有之因藜藿之人易得內傷故增入此集中以廣見識

一 傷寒書前人已刊七十餘種至于溫熱亦有數家方法繁多未及選入集中以俟續刻可也

一 此集原名集腋懼掠美也藁成就正有道僉曰非心有所得未易臻此勉從顧序署曰心得 高明君子幸匡正焉

證治心得目錄

卷一

中風 傷風 中寒 暑 溼 燥 火

卷二

惡寒 發熱 潮熱 痧疹 附爛喉丹 痧白痞 黃疸 腳氣

卷三

瘡 痢 泄瀉 痞滿 附胸痺 積聚 脹滿 水腫

卷四

痛風 痺 痿 癱 麻木 癘風

卷五

氣 吐血 諸衄 便血 蓄血 跌撲閃挫

卷六

欬嗽 肺痿 肺癰 肺脹 喘 哮 痰飲 聲痞 虛勞 附勞瘵 勞倦內傷



卷七

不寐 健忘 驚悸怔忡 癲狂 癩 瘰 厥附卒 汗 脫

卷八

眩暈 癰癤 顫振 攣 肝病 鬱 脾胃 傷食 傷酒 蟲

卷九

三消 饘雜 吞酸吐酸 噎氣 嘔吐噦 霍亂 呃逆 噎膈反胃 關格

卷十

胸膈痛 心痛 胃脘痛 胃脘癰 脅痛 腰痛 腹痛 臍痛 疝氣

肩背痛 手臂痛 脊痛尻痛 腿痛足膝痛

卷十一

遺精 淋 尿血 濁 遺溺 秘結 癰閉 脫肛 陽痿 腸癰

卷十二

頭痛 面 眼目 鼻 耳 口 舌 唇 齒 咽喉

證治心得引用書目

靈樞經

傷寒論

外臺秘要 唐王燾著

千金方

三因方 宋陳無擇著

儒門事親 金張子和著

丹溪心法 元朱震著

醫學入門 明李挺著

明醫雜著 明王綸著

景岳全書 明張介賓著

赤水玄珠 明孫一奎著

醫宗必讀 明李中梓著

素問 以上軒轅黃帝與臣岐伯等問答而作

金匱 以上後漢張機著

肘後方 晉葛洪補梁陶弘景

千金翼方 唐孫思邈著

本事方 宋許叔微著

十藥神書 元葛可久著

丹溪心法附餘 明方廣著

潔古要略

證治準繩 明王肯堂著

醫壘元戎 元王好古著

醫宗粹言 明羅周彥著

東醫寶鑑 明朝鮮陽平君許浚著

難經 戰國時扁鵲姓秦名越人著

王氏脉經 西晉王叔和著

巢氏病源 隋巢元方等著

活人書 宋朱奉議著

河間六書 金劉完素著

東垣十書 元李杲著

醫學六要 明張三錫著

古今醫統 明徐春甫著

廣筆記 明繆希雍著

名醫類案 明江瓘著

士材三書

高果哉雜證



醫論廣見 明高果

痢證彙參 吳本立

醫宗金鑑 本朝吳謙等

醫學心悟 程國彭

成方切要 吳遵程

吳醫彙講 唐大烈

景岳發揮 以上葉香巖

溫病條辨 吳鞠通

醫學從衆 陳修園

瘋門全書

醫林繩墨

醫宗說約 蔣吉

病機彙論 馬元儀

醫門法律

客塵醫話 計壽喬

醫效秘傳

徐氏六種 徐靈胎

古今醫案按 俞東扶

醫門棒喝 章虛谷

己任篇 高鼓

張氏醫通 張璐

沈氏尊生 沈金

寓意草 以上喻嘉言

證治彙補 李惺菴

臨證指南

醫書彙參

證治心編 沈堯

霍亂論 王孟英



證治心得卷一目錄

中風

傷風

中寒

暑

溼

燥

火



證治心得卷之一

嘉善雲峯吳

炳輯著

子

調卿 仁均

樹人 仁培

參 門人

松濤周經槐

友梅凌文炳

校

壽田 仁基

選樓范廷挺

中風

內經言風者百病之長也。人身衛氣調和。腠理緻密。雖有大風苛毒。弗之能害。元氣虛則衛氣不固。風邪乘之而為病。故機要之論真中風。分中腑。中臟。中經。三端。中腑者。多着四肢。有六經形證。如肢體偏枯。脈浮痰喘。然目猶能視。口猶能言。二便不閉。此邪着三陽之表。用小續命湯。依六經加減。發汗以泄其邪。中臟者。多滯九竅。有閉脫之分。如牙關緊閉。設快口不開。急用牙皂。生半夏末。細辛末。吹入鼻中。提起頭髮。有嚏則生。無嚏則死。如痰涎壅塞。稀涎散以取吐。但亦有氣血虛而不兩手握固。昏沉不語。痰涎上湧。目合便秘。此邪滯三陰之裏。即是閉證。閉者。邪氣塞于外。元氣猶在內。急用開關利氣。庶有轉機。實者三生飲以疏上竅。三化湯以利下竅。或用牛黃丸蘇合香丸之類。然愈者甚少。若口開鼾睡。撒手遺尿。即為脫證。脫者。元氣洩于外。邪氣溷于內。雖與峻補。而臟已傷殘。急以大劑參附灌之。艾火



灸之。或可挽回萬一。倘誤投開洩則危矣。又有臟腑兼中。宜審孰緩孰急。斟酌施治。或微汗。多汗則虛其衛。或少下。多下則損其營。邪解之後。但語蹇肢廢。又宜辨陽虛陰虛。挾痰挾火以治之。中經者。口眼歪斜。語言蹇澀。或半身作痛。手足不隨。乃邪着于血脈之中。不可汗下。以大秦艽湯養血舒筋爲主。然北方風氣剛勁。南方風氣柔弱。真中風南少北多。真中之方。前人已大備矣。其類中之證。河間云。因煩勞則五志過極。心火亢甚。腎水虛衰。不能制之。則熱氣怫鬱。遂致心神昏冒。筋骨不用。甚則卒倒無知。皆因乎火。所云類者。有似于風也。風者。熱甚生風也。東垣立論云。中風非外來風邪。乃本氣自病也。凡人年踰四旬。氣衰之際。或因五志傷其氣者。多有此證。壯歲無有也。若肥者則間有之。亦是形盛氣衰所致。或風邪乘氣虛而襲。令人卒倒是重乎氣虛。丹溪又謂東南氣溫多溼。由溼生痰。痰生熱。熱生風。故主乎溼。三者皆辨明類中之由也。至邇來葉氏則發明內風。肝爲風臟。因精血衰耗。木失滋涵。故風陽上擾。仲淳亦主內虛暗風。其意相合。治宜滋養營陰。熄風和絡。如虎潛丸之類。堯封主

此方去知柏鎖陽羯羊肉加淡菴蓉嫌膩去地黃加枸杞若陰陽並損。宜溫柔濡潤之通補。如地黃飲子之類。淳仲